

嘉靖惟揚志卷之二

建革志

郡人成盛儀輯

肇州咨牧民極攸依施典立監官聯乃著迨字
內之多分割故治屬之有改必

國家經體有章畿甸輔毘是重爰敘建革用備稽詳
揚州府唐虞肇十有二州禹貢別賦九州與商書稱
式于九圍及周官職方氏所辨九州揚州皆居其一
然俱兼後世吳越之地而言揚州之名見此今揚為地三州七縣
地先在春秋屬吳越滅吳屬越楚滅越屬楚秦滅楚
屬秦九江郡項羽時為東楚地漢初稱廣陵郡廣陵之名

建革

惟揚志卷之二

一

見高祖以英布為淮南王屬淮南國淮南之名見此以從兄

賈為荆王屬荆國以兄子濞為吳王屬吳國景帝更

名江都國徙汝南王為江都王又屬江都國江都之名見此

武帝復名廣陵國立子胥為廣陵王統廣陵江都高

郵安平四縣王國之有統縣始此元封五年置十三部刺史此

屬徐州部屬縣無考又屬臨淮郡是時臨淮郡統二十九縣內有揚之射陽鹽漬

海陵與四縣王莽時改為江平江平之名見此東漢為廣陵郡三

國屬曹魏後屬孫吳西晉亦為廣陵郡統淮陰射陽

輿海陽廣陵鹽漬淮浦江都八縣東晉義熙間分廣

陵地置海陵山陽二郡劉宋改稱南兗州南兗州之名見此

齊梁因之北齊改為東廣州

東廣州之名見此

又為江陽

江陽

之名見此陳復為南兗州後沒于周改為吳州

吳州之名見此隋

初為揚州大業間改為江都郡統江陽江都海陵寧

海高郵安宜山陽盱眙鹽城清流全椒六合永福句

容延陵曲阿十六縣治江陽縣唐高祖武德二年於

潤州江寧縣置揚州以江都郡為南兗州七年改南

兗州為邗州

邗州之名見此後省江寧之揚州復改邗州為

揚州統江都江陽海陵高郵六合揚子天長七縣

後自

稱今揚州之域

又立揚州大都督府及淮南節度使皆

始曰揚州

自後始稱今揚州之域皆曰淮南

太宗貞觀元年分天下為十

道

惟揚志卷之二

二

道此隸淮南道玄宗天寶元年改廣陵郡肅宗乾元

元年復為揚州仍統江都江陽海陵高郵六合揚子

天長七縣五代南唐為東都揚吳改江都府宋太宗

淳化四年分天下為十道此屬淮南道至道三年又

分天下為十五路此屬淮南東路揚州統江都廣陵

二縣泰州統海陵興化泰興如臯四縣通州統靜海

海門二縣真州統永正六合二縣高郵軍統高郵興

化二縣至紹興五年始定改泰興縣屬揚州

泰興嘗兩屬揚

是始定

元至元十三年置大都督府及江淮等處

中書省治江都二十二年改江淮行省為浙江行省

又改揚州路屬河南行省尋又置淮東道宣慰司本路屬焉至正十二年省宣慰司置淮南行省丁酉年天兵克定揚州庚子年置淮海府壬寅年改維揚府

維揚之名復見此宋寶祐志據禹貢為惟揚今志從之丙午年復為揚州府直

隸京師以高郵通泰三州及江都泰興儀真六合

興化寶應如臯海門崇明九縣屬焉洪武八年以崇

明撥屬蘇州府二十二年以六合撥屬應天府今領

高郵通泰三州江都儀真泰興興化寶應如臯海門

七縣按古揚以地近陽位又江南之氣躁動厥性輕揚亦曰州界多水水波揚也廣陵以地多陵阜

故名

建革

惟揚志卷之二

三

江都縣本秦廣陵縣地漢置江都縣屬廣陵國東漢

屬廣陵郡三國魏吳并晉皆因之隋開皇初改為邗

江縣邗江之名見此大業又析置江陽縣與江都縣皆屬江

都郡尋廢江陽縣併入江都縣至唐始以為揚州治

所復析置江陽縣南唐以江陽省入廣陵縣宋熙寧

五年省廣陵縣入江都治城東南隅元仍為江都縣

至正十三年徙治北關外

國朝改淮海維揚及今揚州府皆屬為附郭洪武元

年復徙治河西街儒林坊按郭璞江賦云表神委于江都以江水都聚此地故

名新志謂江淮一都會者非是

儀真縣本楚廣陵縣秦屬九江漢屬廣陵國王莽改
 為江平後漢如舊漢末初屬曹魏後屬孫吳晉仍江
 都晉末隸廣陵宋齊梁屬南兗州隋大業初更名江
 陽有揚子宮後遂名揚子鎮揚子之名見此唐改為揚子縣
 五代吳楊溥閱舟師于白沙白沙之名見此徐溫自金陵來
 見遂以白沙為迎鑾鎮迎鑾鑾江之名見此南唐改揚子為末
 貞縣宋乾德二年陞為建安軍雍熙二年以末正屬
 建安軍後復改末正縣為揚子縣改末貞為末正避仁廟諱至道
 三年附以六合隸建安軍大中祥符間陞為真州治
 揚子縣政和七年賜名儀真儀真之名見此建炎以真為軍

建革

惟揚志卷之二

四

州仍隸淮南東路四年廢為縣紹興初復為州十二
 年廢為縣尋復至元中改真州路後復為真州領揚
 子六合二縣

國朝洪武二年以揚子縣省入改為儀真縣屬揚州

府按宋信道教鑄王皇聖祖太祖太宗金像於真州

建道觀曰儀真謂得其真儀者故當時稱州及今稱縣因之

泰興縣本隋與唐泰州海陵縣之濟川鎮至南唐昇
 元三年始析置縣初治於柴墟即今古岸口宋乾德中徙
 延令村一名濟川鎮即今縣治宣和四年改屬揚州建炎四年
 復屬泰州紹興五年屬揚州十年屬泰州十四年又

屬揚州元因之

國朝屬揚州府

秦興之義莫詳意以自泰州分縣故謂秦興又以城如龜形亦名龜城

高郵州春秋時吳邗溝地秦築臺置郵亭因名秦郵

秦郵之名見此

漢置高郵縣屬廣陵國晉屬臨淮郡東晉為

三阿

三阿之名見此

劉宋屬廣陵郡尋以有嘉禾改神農郡

神農之名見此

隋屬江都郡唐屬邗州宋開寶四年陞為軍

建炎三年又陞為承州割泰州之興化隸焉

承州之名見此

紹興五年廢軍置縣屬揚州三十一年復為軍領高

郵興化二縣元至元中置高郵路後改為高郵府仍

立高郵縣并興化寶應俱隸焉

建革

惟揚志卷之二

五

國朝革府為高郵縣洪武元年革縣為高郵州仍領

興化寶應二縣

按秦觀詩吾鄉如覆孟地據揚楚脊則高郵以地高合秦郵而名之耳以

如覆孟又名孟城有高沙節又名高沙三阿承州未詳

興化縣本唐吳州海陵縣地五代楊吳始置興化縣

屬揚州

興化之名見此

南唐屬泰州宋屬承州紹興初改為

昭陽鎮附海陵縣

昭陽之名見此

十九年復為興化縣乾道

二年仍隸高郵軍元屬高郵府

國朝改高郵府為州本縣仍隸焉

按新志云屈氏昭氏為楚著姓舊立

廟昭陽山因名昭陽又名陽山若興化意揚吳觀與其化故名

寶應縣本漢平安縣亦名安平屬廣陵郡

安平之名見此

莽改為杜鄉

杜鄉之名見此

東漢改為安宜縣

安宜之名見此梁置

陽平東筦二郡

陽平東筦之名見此

隋開皇初廢郡為安宜縣

又立石鼈縣後廢石鼈以安宜屬江都郡唐武德四

年立倉州領安宜縣尋廢州以縣屬楚州

倉州之名見此上

元中以獲定國寶更名寶應縣宋初因之寶慶三年

陞為寶應州領寶應縣後又改為寶應軍元初仍為

寶應軍後改安宜府尋罷為寶應縣屬高郵府

國朝改高郵府為州本縣仍隸焉

按地有安宜溪名安宜以漢立安平

縣名安平以唐立倉州名古倉及唐信尾言獲寶致改年及邑名為寶應云

泰州本楚海陽在廣陵東秦屬九江漢為海陵倉

海陵

建華

惟揚志卷之二

六

之名見此

元狩始為海陵縣屬臨淮郡王莽更曰亭間東

漢省入東陽縣屬廣陵郡漢末遂虛吳復置海陵晉

為海陽縣亦屬廣陵郡

海陽之名見此

義熙七年分廣陵界

置海陵郡隸徐州宋齊梁陳因之隸南兗州隋開皇

初郡廢為縣屬江都唐武德中改為吳陵縣以縣置

吳州尋廢州復縣屬邗州

吳陵吳州之名見此

景龍二年析置

海安縣

海安之名見此

開元復為海陵五代楊吳以海陵東

境為靜海都鎮置制院又析置興化縣南唐建為泰

州割鹽城泰興如臯興化屬焉

泰州之名見此

周顯德間改

團練州宋乾德五年改為泰州軍以靜海都鎮為靜

海軍開寶九年復以鹽城縣屬楚州熙寧五年隸淮南東路宣和四年又以泰興縣屬揚州廢興化縣為昭陽鎮附海陵建炎二年割興化縣屬承州四年以泰興縣還屬泰州紹興三年屬揚州元隸揚州路統海陵如臯二縣

國朝以海陵縣省入仍為泰州屬揚州府統如臯一

縣舊說南唐以海陵有屯田煮海之饒因建為泰州固取安泰之義為名陳垓謂因椒丘祠嶽而州是名者非是以地並海而高故曰海陵又曰海陽曰海安曰東陽以唐改吳州亦曰吳陵

如臯縣本漢廣陵郡地晉義熙七年分廣陵為五縣如臯其一也隋省入寧海屬江都郡唐析海陵縣置

建葦

惟揚志卷之二

七

如臯鎮吳武義間分置如臯場屬揚州南唐保大十年復陞鎮為縣屬泰州宋元仍舊

國朝因之按春秋傳賈大夫娶妻三年不言不笑御以如臯射雉獲之其妻始笑即此地故名如臯雉臯東臯云

通州本漢海陵縣之東境屬臨淮郡東漢屬廣陵郡

晉宋齊俱屬海陵郡隋屬江都郡唐為鹽亭場屬揚州南唐置靜海都鎮置制院靜海之名見此後周改為靜海

軍尋改為通州析其地為靜海海門與崇明三縣隸之通州之名見此宋改為崇州崇州之名見此復為通州屬淮南東

路元革靜海縣改為通州路復改為州屬揚州路

國朝仍為通州屬揚州府領崇明海門二縣洪武九年以崇明屬蘇州府止領海門一縣

按靜海意以近海得名崇州以近崇明得名通州通川或以其自泰州分置取泰通為義云

海門縣本漢海陵縣東境之東布洲屬臨淮郡東漢改屬廣陵郡晉因之東晉宋齊皆屬海陵郡隋屬江都郡唐為鹽場屬揚州唐末屬吳為東洲鎮南唐始以地西置靜海都鎮置制院周顯德中改為靜海軍尋改為通州析其地東為海門縣海門之名見此宋元因之至正中以江逼北徙禮安鄉

國朝仍為海門縣屬通州正德九年復以潮患遷治

建革

惟揚志卷之二

八

千餘中場

按海門意以縣地所值而言舊志僻在海隅因名者非是

按古揚之地最廣唯今揚之治獨擅厥名故引

馬端臨之說與史志所載于下俾考古者知所

別云

馬端臨曰古揚州春秋時屬吳越二國越滅吳盡并其地戰國時屬楚秦兼天下置郡此為九江郡會稽閩中南海郡之東境漢改

九江曰淮南國及封皇子長為淮南王封劉濞為吳王二國盡得揚州之地武帝置十三州此為揚州後漢因之三國時淮南屬魏而江南屬吳也魏昔亦置揚州元帝渡江揚州遂為王畿領江東浙江地宋孝武分浙江東為東揚州後罷揚州以其地為王畿而東揚州直云揚州尋復舊又分置南兖州南徐州南荊州河州江州齊並因前代惟徙置豫州北兖州北徐州梁陳分裂不可詳焉唐分置十五道此為淮南道隸揚州江南道隸揚州南道隸揚州西道隸揚州南江東西為南唐兩浙為吳越閩為王氏其後

南唐取閩至宋開寶八年取南唐太平興國三年吳越納土始盡有揚州之地為淮南東西浙江東西及福建等路○按元為淮揚濠廬滁和安慶寧國太平徽池建康廣德鎮江常州平江松江及兩浙慶元江西興隆等路福建閩海廣東海北海南廣西兩浙等道入國朝為江北江南兩直隸浙江江西福建廣東廣西五布政司地云

按揚州治所在前代改遷不一今附秦觀之論

于下以備考云秦觀曰揚州西漢無常治東漢治歷陽或徙壽春又徙曲阿魏

亦治壽春或徙合肥吳治建業西晉後魏後周皆因魏東晉宋齊梁陳皆因吳惟宋嘗以建業為王畿而東揚州為揚州東揚州者會稽也隋以後皆治廣陵

疆里志

商昔肇國幅員惟長周後制疆廣輪是著故封

建革

惟揚志卷之二

九

域必盡五百里之侯服至侯館亦周五十里之

王程表識既明侵迷可杜延袤備載俯察無遺

本府治境東至海南抵揚子江西抵鳳陽府天長縣

界北抵淮安府山陽縣界廣五百五十里袤三百五

里其東至海為路三百六十里南至江為路四十五

里西至天長縣界為路一百二十里北至山陽縣界

為路二百八十里自府治至南京為水陸路俱二百

四十五里至京師為水陸路俱三千一百二十五里

江都縣治在府城內西其地境東抵泰州斗門西抵

本縣安州鄉南抵本縣瓜洲鎮北抵高郵州露筋廟

廣一百九十里袤一百三十里其東至斗門爲路九
十里西至安州鄉爲路一百里南至瓜州鎮爲路四
十五里北至露筋廟爲路九十里

儀真縣治境在府城西七十五里其地東抵江都縣
烏塔溝西抵六合縣褚家堡南抵揚子江濱黃泥灘
北抵天長縣樊公店廣八十里袤七十里其東至烏
塔溝爲路四十里西至褚家堡爲路四十里南至江
濱黃泥灘爲路一十里北至樊公店爲路六十里

泰興縣治境在府城東一百四十里其地東抵如臯
縣界西抵鎮江府丹徒縣圖山南抵鎮江府馬馱沙

疆里

惟揚志卷之二

十

北抵泰州廟灣廣一百五十七里袤一百里其東至
如臯縣界爲路六十七里西至圖山爲路九十里南
至馬馱沙爲路四十里北至廟灣爲路六十里

高郵州治境在府城北一百二十里其地東抵興化
縣河口鎮西抵天長縣凌塘橋南抵江都縣露筋廟
北抵寶應縣界首鎮廣一百六十里袤九十里其東
至河口鎮爲路八十里西至凌塘橋爲路八十里南
至露筋廟爲路三十里北至界首鎮爲路六十里

興化縣治境在高郵州城東一百二十里其地東抵
泰州丁溪場西抵高郵州河口鎮南抵泰州蚌汭河

北抵淮安府鹽城縣界廣一百六十里袤九十五里其東至丁溪場爲路四十五里西至高郵州河口鎮爲路五十里南至蚌汳河爲路三十五里北至鹽城縣界爲路六十里

寶應縣治境在高郵州城北一百二十里其地東抵鹽城縣射陽湖中流西抵盱眙縣衡陽村北抵山陽縣黃浦鎮南抵高郵州界首鎮廣二百四十里袤八十里其東至射陽湖中流爲路一百一十里西至衡陽村爲路一百三十里南至界首鎮爲路六十里北至黃浦鎮爲路二十里

疆里

惟揚志卷之三

十一

泰州治境在府城東一百二十里其地東抵泰州併茶場西抵江都縣斗門南抵泰興縣廟灣北抵興化縣凌亭廣一百三十里袤一百一十三里其東至併茶場爲路二百一十里西至斗門爲路三十里南至廟灣爲路四十里北至凌亭爲路八十里

如臯縣治境在泰州城東南一百四十里其地東抵海濱掘港巡檢司西抵泰興縣界南抵揚子江濱石莊巡檢司北抵泰州廟灣廣一百八十里袤一百七十二里其東至掘港巡檢司爲路一百二十里西至泰興縣界爲路六十里南至石莊巡檢司爲路九十

里北至泰州廟灣爲路三十里

通州治境在府東四百里其地東抵海門縣界西抵泰州界南抵狼山北抵如臯縣界廣六十七里袤七十八里其東至海門縣界爲路八十里西至泰州界爲路一十里南至狼山爲路一十八里北至如臯縣界爲路一百三十里

海門縣治境在通州東一百里其地東抵海濱料角嘴西抵通州利河南抵揚子江濱北至通州運河廣九十里袤三十里其東至海濱料角嘴爲路五十里西至利河爲路四十里南至江濱爲路五里北至通州運河爲路五里

疆里

惟揚志卷之二

十二

嘉靖惟揚志卷之二